

ქალაქ ფოთის მუნიციპალიტეტის საკრებულოს წევრის საქმიანობის ანგარიშის ფორმა

1. ქალაქ ფოთის მუნიციპალიტეტი
2. საკრებულოს წევრის სახელი, გვარი: ბექა ვაჟარაძე
3. საკრებულოში დაკავებული თანამდებობა: 29.04.2020 – 01.09.2021 საკრებულოს თავმჯდომარე
4. ფრაქციის წევრობა: ფრაქცია “ქართული ოცნება”
5. კომისიის (კომისიების) წევრობა: სივრცით ტერიტორიული დაგეგმარებისა და ინფრასტრუქტურის კომისიის წევრი, საფინანსო-საბიუჯეტო კომისიის წევრი
6. არჩევის წესი (მაჟორიტარის შემთხვევაში, მაჟორიტარული ოლქის მითითებით): მაჟორიტარული 26.70.06
7. საანგარიშო პერიოდი: 2020 წლის 01.11- დან, 2021 წლის 29.10 -ის ჩათვლით.

განხორციელებული საქმიანობები:

1. საკრებულოს სხდომების რაოდენობა, რომელშიც მონაწილეობდა ანგარიშის წარმდგენი: 15

2. საკრებულოს ამ სხდომებზე განხილული საკითხების რაოდენობა: 95

3. საკრებულოს კომისიების სხდომების რაოდენობა, რომელშიც მონაწილეობდა ანგარიშის წარმდგენი: საფინანსო-საბიუჯეტო კომისია - 17 სხდომა; სივრცით ტერიტორიული დაგეგმარებისა და ინფრასტრუქტურის კომისია - 9 სხდომა

4. საკრებულოს ამ კომისიების ამ სხდომებზე განხილული საკითხების რაოდენობა:

საფინანსო-საბიუჯეტო კომისია - 42 საკითხი;

სივრცით ტერიტორიული დაგეგმარებისა და ინფრასტრუქტურის კომისია - 23 საკითხი

5. საკრებულოში ინიციირებული საკითხების დასახელება:

6. მოქალაქეებთან შეხვედრების რაოდენობა: ყოველდღიური შეხვედრა მოსახლეობასთან

7. მოქალაქეებთან შეხვედრისას გამოკვეთილი ძირითადი საკითხები:

სოციალური და ინფრასტრუქტურული პროექტები, გზების რეაბილიტაცია, სამუშაო ადგილების შექმნა, წყალარინების პროექტის დასრულება, სპორტული მოედნების მოწყობა, ეზოების კეთილმოწყობა.

8. სხვა განხორციელებული საქმიანობები:

ქალაქ ფოთის მუნიციპალიტეტის საკრებულოს საქმიანობის ძირითადი პრინციპებია: კანონიერება, საჯაროობა, კოლეგიურობა, დამოუკიდებელი პასუხისმგებლობა, წარმომადგენლობითი პროპორციულობის დაცვა, მუნიციპალიტეტის მოსახლეობის აზრის გათვალისწინება, ადგილობრივი თვითმმართველობის განხორციელებაში მოქალაქეთა ჩართვის უზრუნველყოფა, ანგარიშვალდებულება მოსახლეობის წინაშე.

საკრებულო თავის უფლებამოსილებებს ახორციელებს მუნიციპალიტეტის საკადრო პოლიტიკის განსაზღვრის, აღმასრულებელი ორგანოების საქმიანობის რეგულირებისა და კონტროლის, თვითმმართველი ერთეულის განვითარების დაგეგმვის, საფინანსო-საბიუჯეტო, მუნიციპალიტეტის ქონების განკარგვისა და მართვის, სოციალურ, კეთილმოწყობისა და საყოფაცხოვრებო-კომუნალურ, მიწათსარგებლობისა და ბუნებრივი რესურსებით სარგებლობის, მუნიციპალიტეტის ტერიტორიის დაგეგმარების, ტრანსპორტით და საგზაო მეურნეობის, აღრიცხვის, ინოვაციური განვითარების მხარდაჭერის სფეროში.

მუნიციპალიტეტის საკადრო პოლიტიკის განსაზღვრის, აღმასრულებელი ორგანოების საქმიანობის რეგულირებისა და კონტროლის სფეროში საკრებულოს უფლებამოსილებას განვითარება და უმნიშვნელოვანესია ადგილობრივი თვითმმართველობის აღმასრულებელი ორგანოების და თანამდებობის პირების საქმიანობის კონტროლი, მათი ანგარიშების მოსმენა და შეფასება.

ზემოაღნიშნულიდან გამომდინარე, საკრებულოს სხდომაზე მოსმენილ იქნა და შესაბამისად შეფასებულ იქნა ა(ა) იპ „ქალაქ ფოთის მუნიციპალიტეტის სერვისების ცენტრის“, ქალაქ ფოთის მუნიციპალიტეტის 2020 წლის ბიუჯეტზე ქალაქ ფოთის მუნიციპალიტეტის მერის, ინფრასტრუქტურული პროექტების მართვისა და ტრანსპორტის სამსახურის, არქიტექტურის, სივრცითი მოწყობის და ადმინისტრაციული ზედამხედველობის სამსახურის, ა(ა) იპ „ქალაქ ფოთის მუნიციპალიტეტის სოციალური მომსახურების ცენტრის, ა(ა) იპ თვითმმართველი ქალაქ ფოთის სკოლამდელი სააღმზრდელო გაერთიანების ანგარიშები გაწეული მუშაობის შესახებ.

ცვლილებები იქნა შეტანილი ქალაქ ფოთის მუნიციპალიტეტის მერიისა და საკრებულოს თანამდებობის პირთა და სხვა მოსამსახურეთა საშტატო ნუსხაში.

ორგანიზაციული საქმიანობის სფეროში საკრებულოს უფლებამოსილების განხორციელების მიზნით დამტკიცდა საკრებულოს სამუშაო გეგმა, ცვლილებები შევიდა საკრებულოს იურიდიულ, სამანდატო, საპროცედურო საკითხთა და ეთიკის კომისიის თავმჯდომარის თანამდებობაზე არჩევის შესახებ. ასევე საკრებულოს ფრაქცია „ქართული ფესვების“ თავმჯდომარის არჩევისა და თავმჯდომარის მოადგილის უფლებამოსილების შეწყვეტის თაობაზე. ასევე, 2021 წლის სექტემბერში ქალაქ ფოთის მუნიციპალიტეტის საკრებულოს ზოგიერთი თანამდებობის პირის სამსახურეობრივი უფლებამოსილების შეჩერების შესახებ, რომლები წარდგენილი იყვნენ 2021 წლის მუნიციპალიტეტის წარმომადგენლობითი ორგანოსა და მუნიციპალიტეტის მერის არჩევნების კანდიდატად.

3

საფინანსო-საბიუჯეტო სფეროში საკრებულოს უფლებამოსილების განხორციელების მიზნით, საკრებულოს მიერ 2020 დეკემბერში დამტკიცებულ იქნა ქალაქ ფოთის მუნიციპალიტეტის წლის მთავარი ფინანსური დოკუმენტი და 2021 წლის სამუშაო გეგმა. განხილულ იქნა 2021 და მომდევნო სამი წლის ბიუჯეტის პრიორიტეტები : ინფრასტურული მშენებლობის რეაბილიტაცია და ექსპლუატაცია, დასუფთავება და გარემოს დაცვა, კულტურა, რელიგია, ახალგაზრდობა და სპორტის სფერო, ჯანმრთელობის დაცვა და სოციალური უზრუნველყოფა, მმართველობა და საერთო დანიშნულების ხარჯები.

სისტემატურად ხორციელდებოდა ბიუჯეტის შესრულების კონტროლი და ბიუჯეტის შესრულების შეფასება.

ზემოაღნიშნულიდან გამომდინარე, 2021 წელს საკრებულოს სხდომაზე მოსმენილ იქნა ქალაქ ფოთის მუნიციპალიტეტის 2020 წლის ბიუჯეტის შემოსულობების შესრულება და ბიუჯეტიდან გამოყოფილი სახსრების ხარჯვის მდგომარეობა. ასევე მოსმენილ იქნა ქალაქ ფოთის მუნიციპალიტეტის 2021 წლის ბიუჯეტის პირველი კვარტლის, მეორე კვარტლის და 6 თვის შემოსულობებისა და ბიუჯეტიდან გამოყოფილი სახსრების ხარჯვის მდგომარეობის შესახებ.

საქართველოს კანონმდებლობის შესაბამისად, საქართველოში ახალი კორონავირუსით გამოწვეული სოციალურ-ეკონომიკური მდგომარეობის გაუარესების გამო, დასახლებული ტერიტორიის დასუფთავების მოსაკრებელის გადასახადისგან გათავისუფლდა ქალაქის ტერიტორიაზე მოქმედი ფიზიკური პირი ან/და იურიდიული პირები, ორგანიზაციები და დაწესებულებები, რომელთაც საქართველოს მთავრობის დადგენილების მიხედვით შეეზღუდათ ეკონომიკური საქმიანობის განხორციელების უფლება.

მუნიციპალიტეტის ქონების განკარგვისა და მართვის სფეროში საკრებულოს უფლებამოსილების განხორციელების მიზნით, სახელმწიფო საკუთრებაში ქალაქ ფოთში მშვიდობის ქუჩა N 34/34ა-ში მდებარე უძრავი ქონება (საკადასტრო კოდი 04.02.01.618) ფოთის სატრანსპორტო კომპანიას უსასყიდლოდ გადაეცა. ქალაქ ფოთის მუნიციპალიტეტის მერს მიეცა თანხმობა შეზღუდული პასუხისმგებლობის საზოგადოება „ფოთის სატრანსპორტო კომპანიის“ დაფუძნებაზე. ამასთანავე განხილულ იქნა ქალაქ ფოთის მერის მიერ წარმოდგენილი პროექტები და მიეცა თანხმობა ქალაქ ფოთის მერს, მუნიციპალიტეტის საკუთრებაში არსებული მოძრავი და უძრავი ქონების პირობით ან უპირობოდ, პირდაპირი განკარგვის წესით, სასყიდლით ან უსასყიდლოდ სარგებლობის უფლებით გადაცემის შესახებ.

სოციალურ სფეროში საკრებულოს უფლებამოსილების განხორციელების მიზნით, ქალაქ ფოთის მუნიციპალიტეტში მოქმედებს განათლების, კულტურის და სპორტის, ჯანმრთელობისა და სოციალური უზრუნველყოფის პროგრამები, რომლებიც ასახულია ქალაქ ფოთის მუნიციპალიტეტის 2020 წლის ბიუჯეტის მირითად მაჩვენებლებში.

2020 წლის დეკემბერში, საკრებულოს წევრებმა ერთხმად დაუჭირეს მხარი 2020 წლის ადგილობრივი ბიუჯეტში ცვლილებას, რომლის შესაბამისად გაიზარდა „სოციალური მომსახურების ცენტრის“ ხელშეწყობის, „სოციალური დაცვის“, სოციალური უზრუნველყოფის ხარჯები. დაემატა ახალი კორონა ვირუსის (COVID 19) პანდემიით გამოწვეული შეზღუდვების პერიოდში მოსახლეობის საკვები პროდუქტებით

უზრუნველყოფის პროგრამა, თანხით 80 000 (ოთხმოციათასი) ლარი. შევიდა ასევე ცვლილებები, სოციალური და ჯანდაცვის პროგრამებში, მოსახლეობის ეკონომიკური მდგომარეობის სიდუხჭირისა და მსოფლიო ბაზარზე მედიკამენტების გაზრდილი ფასების გამო.

ქალაქის თვითმმართველობის სტრატეგიის შესაბამისად, პრიორიტეტულ მიმართულებებზე სახსრების ზრდამ შესაძლებელი გახადა ადგილობრივი ინფრასტრუქტურის განვითარება, რითაც თავისმხრივ, უზრუნველყოფილი იქნება მუნიციპალიტეტში მცხოვრები მოსახლეობის სოციალური მდგომარეობის გაუმჯობესება, კულტურის და სპორტის სფეროს განვითარება, საზოგადოებრივი უსაფრთხოების უზრუნველყოფა, ჯანსაღი ცხოვრების წესის დანერგვა და სკოლამდელი განათლების ხელშეწყობა. ზემოთაღნიშნული სტრატეგიის შესაბამისად, ფოთის კულტურისა და დასვენების ცენტრალურ პარკი, რომელიც ისტორიულ-კულტურული მნიშვნელობის ობიექტს წარმოადგენს და ორ საუკუნეზე მეტს ითვლის სარეაბილიტაციო სამუშაოები ჩაუტარდა, სადაც პირველი ეტაპის სარეკონსტრუქციო სამუშაოს ფარგლებში მოეწყო საფეხმავლო ბილიკები, დასასვენებელი ბაქნები და საბავშვო მოედნები, გარე განათების სისტემა, ღია სასცენო ნაგებობა, მაღვე დაიწყება შადრევნისა და ავტოდრომის რეაბილიტაცია, რომელიც 546 791 ლარით ადგილობრივი ბიუჯეტით დაფინანსდება. ასევე, 2020-2021 წლის ადგილობრივი ბიუჯეტით N2, N3, N6, N7, N12, N14, N17 სკოლამდელ სააღმზრელო დაწესებულებებს სარემონტო სამუშაოები ჩაუტარდათ, სადაც განხორციელდა სახურავის, სველი წერტილების, გათბობის სისტემების და სხვა სამუშაოები.

ასევე, 9 აპრილის ხეივანზე, №5 სკოლამდელი სააღმზრდელო დაწესებულების ადგილას 120 აღსაზრდელზე გათვალისწინებული ბალი აშენდა. პროექტის ღირებულება 750 ათასი ლარია. იგი განხორციელდა ლტოლვილთა დანიის საბჭოს, გერმანიის რეკონსტრუქციის ბანკის მხარდაჭერით.

საქარველოს მუნიციპალური განვითარების ფონდი ფოთში, ბარათაშვილის ქუჩაზე ახალი ევროპული სტანდარტების, 100 ბავშვზე გათვლილი საბავშვო ბალის მშენებლობას დააფინანსებს.

4 საჯარო სკოლაში (N4, N8, N15, N11,) განხორციელდა სველი წერტილების, ელექტროსამონტაჟო, სახურავის, სკოლის სპორტდარბაზებისა და გასახდელების სამუშაოები.

ახალი მრავალფუნქციური სპორტული კომპლექსი დიდი და მცირე საცურაო აუზებით, 100 მაყურებელზე გათვლილი ტრიბუნით, სპორტით დაინტერესებულ ადამიანებს საშუალებას მისცემს ივარჯიშონ და სპორტის მრავალ სახეობაში გამართონ ტურნირები, როგორც ეროვნულ ისე საერთაშორისო დონეზე. კომპლექსს ექნება სპორტული მოედანი. 160 მაყურებელზე გათვლილი ტრიბუნებით. მისი ღირებულება 14, 5 მლ. ლარია.

საქართველოს ფეხბურთის ფედერაციის და უეფას დაფინანსებით დასრულებულია საფეხბურთო ტექნიკური ცენტრის მშენებლობა, რომლის ღირებულება 4 მლ. ლარს შეადგენს. ასევე მიმდინარეობს ქალაქ ფოთის უეფას მესამე კატეგორიის საფეხბურთო სტადიონის მშენებლობის დარულების სამუშაოებისა და სათადარიგო სტადიონის მშენებლობა.

სისტემატურად მიმდინარეობს მინი სპორტული მოედნების რეაბილიტაცია. 2020-2021 წე-
ში ქალაქ ფოთში, 23 მინი სპორტულ მოედანს კაპიტალური შეკეთების სამუშაოები
ჩაუტარდა და აშენდა 2 ახალი მინი სპორტული მოედანი.

ქალაქ ფოთის, თავდადებულის ქუჩაზე, კუნძულის უბნის სანაპირო ზოლის მიმდებარედ
სპორტული მოედანი - ფამფტრეკი მოეწყო .

ქალაქ ფოთის მუნციპალიტეტის თანადაფინანსებით, გაეროს განვითარების პროგრამის
ფარგლებში, ფოთში, მარტოწყალას ტბაზე სათევზაო ინფრასტრუქტურა მოეწყო, რაც
მნიშვნელოვანია, როგორც სპორტული თევზჭრის, ისე ტურისტული განვითარების
კუთხით, რომლის ინფრასტრუქტურის მოწყობისა და ტერიტორიის კეთილმოწყობის
სამუშაოების შესყიდვის საფასური 73 474,2 ლარს შეადგენს.

აზის განვითარების ბანკის მხარდაჭერით, ფოთში, წყალარინების ქსელის მოწყობა და
გამწმენდი ნაგებობების მშენებლობა მიმდინარეობს.

ქალაქში კეთილმოეწყო მრავალსართულიანი სახლების სახურავების კაპიტალური
შეკეთება, ეზოების კეთილმოწყობის სამუშაოები, ტრენაჟორების და ატრაქციონების
შეძენა-მონტაჟი.

2021 წლის შობის დღესასწაულისთვის განათდა ფოთის საკათედრო ტაძრის ფასადი,
რომელიც მაურიტარის ინიციატივითა და კერძო სექტორის ჩართულობით, ასევე,
ადგილობრივი ბიუჯეტით დაფინანსდა.

2021 წლიდან მუნიციპალური ტრანსპორტის განვითარების პროგრამის ფარგლებში, ფოთს
10 ახალი თანამედროვე სტანდარტის ყველა ტექნიკური მოთხოვნის შესაბამისი ავტობუსი
ემსახურება, რომელიც მნიშვნელოვანია ასევე ეკოლოგის დაცვის თვალსაზრისითაც.
პროექტი ევროპის რეკონსტრუქციისა და განვითარების ბანკის (EBRD) ფინანსური
მხარდაჭერით ხორციელდება. ქალაქში ასევე უკვე დასრულდა ავტობუსების ავტოპარკის
მშენებლობა, რომლის ღირებულება 999 487 ლარია.

სრული რეაბილიტაცია ჩაუტარდა აგრეთვე კულტურული მემკვიდრეობის ოტია ჯაიანის
სახელობის სამხატვრო სკოლას.

ქალაქ ფოთის მუნიციპალიტეტის საკრებულომ 2020 წლის 27 თებერვლის №4/4
დადგენილებით დაამტკიცა „ქალაქ ფოთის ტერიტორიაზე არსებული მალთაყვის უბნის
გამოყენებისა და განაშენიანების რეგულირების წესებისა და განაშენიანების რეგულირების
გეგმა“. გენერალური გეგმა მალთაყვის ტერიტორიაზე ითვალიწინებს სასტუმროების,
სპორტული კომპლექსისა და დასასვენებელი სახლების მშენებლობისათვის ადგილების
გამოყოფას, განსაზღვრავს მიწათსარგებლობის ფორმას და ხელს უწყობს მალთაყვის
ტერიტორიაზე ტურისტული ინფრასტრუქტურის მშენელობას.

ცენტრალური ბიუჯეტის დაფინანსებით და ადგილობრივი ბიუჯეტის თანადაფინანსებით
ქალაქ ფოთში დავიწყეთ მასშტაბური საგზაო ინფრასტრუქტურის მოწესრიგების
სამუშაოები, რეაბილიტაცია ჩაუტარდა თავდადებულის, ბერდიანსკის, იერუსალიმის, წმ
გიორგის, აკაკი წერეთლის, ჭავჭავაძის, რევვავას, მოწერელიას, კოლხეთის, გოგებაშვილის,
შელიას, კოლხეთის, შალვა ამირანაშვილის, ფაზისის, მემედ აბაშიძის და კოკაიას ქუჩას .
ასევე, ქალაქ ფოთში, მაღანიას სახელობის სტადიონზე მისასვლელი გზის მოწყობის,
კერძოდ: საფეხბურთო ცენტრის წინ არსებული ტერიტორიისა და გზის სარეაბილიტაციო
სამუშაოების (პირველი ეტაპის) შესყიდვა.

დაკონტრაქტებულია და მალე სრულად რეაბილიტირდება: თამარ მეფის, 26 მაისის, ლოლუას, ბესიკის, შავი ზღვის, გორგასალის, ნინოშვილის, გამსახურდის, სააკაძის, ფალიაშვილის, ბესიკის, ქორქიას (გურიის ქუჩიდან დასავლეთით ბოლომდე) და ქორქიას ჩიხს. (ქორქიას მე-7 საჯარო სკოლამდე) სამუშაოები ითვალისწინებს, როგორც საავატომობილო გზის ნაწილის, ასვე ტრუტუარების კეთილმოწყობას და სანიაღვრე არხების მოწყობა.

უკვე გამოცხადებულია ტენდერი ქალაქ ფოთში კუნძულის სანაპირო ზოლისა და მისასვლელი გზების რეაბილიტაციის (2 614 108 ლარი) და ქალაქ ფოთში ვეკუას ქუჩაზე, ახალი სატუმბი სადგურის მშენებლობის თაობაზე.(1 425 393 ლარი)

გაიმართა გენდერული თანასწორობის 2021 წლის პირველი სხდომა, სადაც განხილული და დამტკიცებული იქნა 2021-2022 წლის სამოქმედო გეგმა და სტრატეგია.

ევროკავშირის გრანტის ფარგლებში, პირადპირი ჩვენებით გადაიცემა საკრებულოს სხდომები. ოფიციალურ ვებგვერდზე გააქტიურებული ელექტრონული პეტიციების მიღების ფუნქციით მოსახლეობამ უკვე რამდენჯერმე ისარგებლა და ადგილობრივ ხელისუფლებას პეტიციის ფორმითაც მიმართა.

საკრებულოში დანერგილია ელექტრონული საქმისწარმოების სისტემა.

საკრებულოს კომისიათა ეფექტურ საქიანობაზეა დამოკიდებული საკრებულოს მუშაობა. საკრებულოში შექმნილია 5 კომისია. საკრებულოს კომისიათა უფლებამოსილება, სტრუქტურა და მუშაობის წესი განსაზღვრულია საკრებულოს რეგლამენტით და კომისიის დებულებით. საკრებულოს კომისიები წინასწარ განიხილავენ საკრებულოში შემოტანილ, მის სფეროს მიკუთვნებულ საკრებულოს გადაწყვეტილებათა პროექტებს, ამზადებენ დასკვნებს, ორგანიზებას უწევენ მათ განხილვას, ისმენენ საკრებულოსადმი ანგარიშვალდებულ ორგანოთა და თანამდებობის პირთა ანგარიშებს. აკონტროლებენ საკრებულოს გადაწყვეტილებათა შესრულებას. მერიის შესაბამისი მიმართულების სტრუქტურული ერთეულების, აგრეთვე მუნიციპალიტეტის მიერ დაფუძნებული იურიდიული პირების საქმიანობას, ისმენენ მათ ანგარიშებს და საკრებულოს წარუდგენენ შესაბამის დასკვნებსა და შეფასებებს.

ზემოთ აღნიშნულიდან გამომდინარე, ქალაქ ფოთის მუნიციპალიტეტის საკრებულოს საქმიანობის მთავარი საფუძველი კვლავაც იქნება საქართველოს ორგანული კანონი „ადგილობრივი თვითმმართველობის კოდექსი, „ადგილობრივი თვითმმართველობის შესახებ“, ევროპული ქარტია, საქართველოს საკანონმდებლო და კანონქვემდებარე ნორმატიული აქტები და საკრებულოს რეგლამენტი.

შედეგი, ფაქტი:

ქალაქ ფოთის მუნიციპალიტეტის საკრებულოს დადგენილებით დამტკიცებული, ქალაქ ფოთის მუნიციპალიტეტის ბიუჯეტში გათვალისწინებულ იქნა: ინფრასტრუქტურის მშენებლობის, რეაბილიტაციის და ექსპლუატაციის, საგზაო ინფრასტრუქტურის მშენებლობის, რეაბილიტაციის, კომუნალური ინფრასტრუქტურის მშენებლობა-რეაბილიტაციის, გარე განათების, უმეთვალყურეოდ დარჩენილი ცხოველების იზოლაციის, სანიაღვრე არხების მშენებლობა რეაბილიტაციის და ექსპლუატაციის, კეთილმოწყობის სამუშაოების, ქალაქის გამწვანების,

კულტურის, ახალგაზრდული და სპორტული ღონისძიებების, მოსახლეობის ჯანმრთელობის
დაცვის, სოციალური უზრუნველყოფისა და სხვა დაფინანსების თანხები.

შემდეგი საანგარიშო პერიოდის ძირითადი პრიორიტეტები:

სოციალური და ინფრასტრუქტურული პროექტების განხორციელება.

ქალაქ ფოთის მუნიციპალიტეტის
საკრებულოს თავმჯდომარე



ბექა ვაჭარაძე